

Ling & Sons ta Gana Premio "IGA Retailer of the Year 2013" pa Caribe

ORANJESTAD (AAN): Esaki ta un berdadero coronacion di un esfuerzo cu a tuma hopi dedicacion di famia Ling y nan trahadornan durante mas di 6 decada. Tabata na luna di maart cu Clifton Ling a ricibi e notificacion cu Ling & Sons IGA Supercenter a ser nomina pa e premio "IGA Retailer of the Year 2013" pa e region di

Diario. - diahuebs (25 april 2013). p. 1



Caribe.

E otorgamento di e premio

a tuma lugar dia 15 di april na Chicago, Illinois, Estados Unidos durante e "Award of Excellence Banquet" den cual e ganadornan di e premio a ser honra. Clifton Ling a ricibi e premio na nomber di Ling & Sons IGA Supercenter NV. y el a ser acompaña pa su sra. Ingrid, su ruman muhernan Yolanda, Rose y Lily y, tambe pa asociadonan fiel di hopi aña Dora y Cornelia. Tambe ariba e escenario por distingui directornan de AGFLA cu alaves ta distribuidor di productonan IGA na estado Florida y e directornan di IGA Chicago, cu ta Dr. Tom Haggai y Mark Betanic. Durante e 65 añanan e famia a maneha e supermercado. Nan a conoce hopi reto y oportunidad cual nan converti den inovacion. For di un tienda cu ta bende estilo grocery pa selfservice te pa awe un Supercenter automatiza cu ta cumpli cu e criterionan mas halto di calidad.